



Մ Ա Յ Ր Ա Թ Ո Ռ Ո Ւ Մ

Հուլիսի 6-ին, կիրակի.—Բարեկենդան վարդավառի պահոց.

Մայր տաճարում ս. պատարագ մատուցեց տ. Նշան քահանա Բելլերյանը:

Սուրբ պատարագին ներկա էին Վեհափառ Հայրապետն ու սփյուռքահայ բազում հյուրեր:

*
* *

Հուլիսի 7-ին, երկուշաբթի.—Ուխտավորաբար Մայր Աթոռ ս. Էջմիածին ժամանեց Ռումինիայի առաջնորդական փոխանորդ և Մայր Աթոռի միաբան տ. Զարեհ արեղա Պարոնյանը, որը Մայր տաճարում իր ուխտն ու աղոթքը կատարելուց հետո, ընդունվեց Վեհափառ Հայրապետի կողմից:

*
* *

Հուլիսի 13-ին, կիրակի.—Վարդավառ: Պայծառակերպություն Տեառն մերոյ Յիսուսի Քրիստոսի.

Մայր տաճարում հանդիսավոր ս. պատարագ մատուցեց Ռումինիայի առաջնորդական փոխանորդ տ. Զարեհ արեղա Պարոնյանը և քարոզեց՝ «Ցնծայ այսօր փառօք» բնաբանով:

Ս. պատարագին ներկա էր Վեհափառ Հայրապետը:

*
* *

Հուլիսի 14-ին, երկուշաբթի.—Ցիշատակ մեռելոց.

Մայր տաճարում ս. պատարագ մատուցեց տ. Զարեհ արեղա Պարոնյանը:

Հավարտ ս. պատարագի կատարվեց հոգեհանգստյան հանդիսավոր արարողություն ի հիշատակ համայն ննջեցիկոց:

*
* *

Հուլիսի 19-ին, շաբաթ.—Օշականի ս. Մեսրոպ Մաշտոց եկեղեցում, Վեհափառ Հայրապետի բարեհաճ կարգադրությամբ, վարդապետական մասնավոր գավազանի իշխանություն շնորհվեց տ. Զարեհ արեղա Պարոնյանին, ձեռամբ Մայր տաճարի լուսարարապետ տ. Հայկազուն արքեպիսկոպոս Աբրահամյանի:

*
* *

Հուլիսի 20-ին, կիրակի.—Մայր տաճարում պատարագ մատուցեց տ. Հակոբ քահանա Հակոբյանը:

Ս. պատարագին ներկա էր Վեհափառ Հայրապետը:

*
* *

Հուլիսի 21-ին, երկուշաբթի.—Այսօր Մայր Աթոռ այցելեցին ՄԱԿ-ին առընթեր եկեղեցական կենտրոնի ներկայացուցիչ ղուկտ. Կարլ Սաուլը և հարավ-աֆրիկացի պատուիր հայր Ֆերկիդոնը:

Պատվարժան հյուրերին Վեհափառ Հայրապետը սիրով ընդունեց Վեհարանում և զրույց ունեցավ նրանց հետ, միջեկեղեցական մի շարք հարցերի շուրջ:

Հուլիսի 22-ին, երեքշաբթի.—Այսօր Վեհափառ Հայրապետը մեկնեց Կիսլովոդսկ՝ մի ամսով հանգստանալու «Կրասնի կամեն» առողջարանում՝ ընկերակցությամբ Վրաստանի հայոց առաջնորդ տ. Կոմիտաս եպս. Տեր-Ստեփանյանի:

Վեհափառ Հայրապետին ճանապարհեցին Մայր Աթոռի միաբանությունը և պաշտոնեույթյունը:

Հուլիսի 27-ին, կիրակի.—Մայր տաճարում ս. պատարագ մատուցեց տ. Մուշեղ վրդ. Պետիկյանը:

Ս. պատարագին ներկա էին ուխտավորարար մայր հայրենիք ժամանած սփյուռքահայ բազում հյուրեր:

Հուլիսի 28-ին, երկուշաբթի.—Այսօր Ռումինիա՝ իր պաշտոնատեղին մեկնեց տ. Զարեհ վրդ. Պարոնյանը, որը ուխտավորարար գտնվում էր Մայր տաճարում և հայրենիքում:

Օգոստոսի 3-ին, կիրակի.—Մայր տաճարում ս. պատարագ մատուցեց տ. Հակոբ քհն. Հակոբյանը:

Ս. պատարագին ներկա էին բազում սփյուռքահայ ուխտավորներ և մշակերտներ:

Նույն օրը, Վեհափառ Հայրապետի բարեհաճ կարգադրությամբ, Երևանի ս. Սարգիս եկեղեցում քահանա ձեռնադրվեց ուրարակիր և հոգևոր ճեմարանի նախկին սան Ռադմիկ Հարությունյանը՝ վերանվանվելով տեղի եղիշե՝ ձեռամբ Արարատյան թեմի հայրապետական փոխանորդ տ. Վահան եպս. Տեր-Յանի:

Տ. եղիշե քհն. Հարությունյանը ծնվել է 1939 թ. սեպտեմբերի 1-ին Լենինականում: Նախնական կրթությունը ստացել է տեղի միջնակարգ դպրոցում և 1958—59 ուսումնական տարում ընդունվել է ս. էջմիածնի հոգևոր ճեմարան, որտեղ սովորել է մինչև 1965 թվականը: Նորընթան իր քառասունըր Մայր Աթոռում անցկացնելուց հետո, կապաշտոնավարի Վրաստանի հայոց թեմում:

Օգոստոսի 10-ին, կիրակի.—Բարեկենդան ս. Աստուածածնի.

Մայր տաճարում ս. պատարագ մատուցեց տ. Մուշեղ վրդ. Պետիկյանը և քարոզեց «Այսօր ժողովեալ սրբոց Հայրապետաց» բնաբանով:

Օգոստոսի 15-ին, ուրբաթ.—Այսօր Կիսլովոդսկից Մայր Աթոռ վերադարձավ Վեհափառ Հայրապետը՝ ընկերակցությամբ տ. Կոմիտաս եպիսկոպոսի: Վեհափառ Հայրապետին օղանավակայանում դիմավորեցին Մայր Աթոռի միաբանությունն ու վանքի պաշտոնեույթյունը:

Օգոստոսի 17-ին, կիրակի.—Վերափոխումն ս. Աստուածածնի.

Մայր տաճարում հանդիսավոր ս. պատարագ մատուցեց Վրաստանի թեմի հայոց առաջնորդ տ. Կոմիտաս եպս. Տեր-Ստեփանյանը: «Հայր մեր»-ից առաջ Վեհափառ Հայրապետը քարոզեց «Աստուածածին անարատ Մայր Տեառն» բնաբանով:

Հավարտ ս. պատարագի Վեհափառ Հայրապետի հանդիսավորությամբ կատարվեց «Օրհնութիւն խաղողոյ»:

Օգոստոսի 18-ին, երկուշաբթի.—Յիշատակ մենելոց.

Մայր տաճարում ս. պատարագ մատուցեց տ. Նշան քհն. Բեյլերյանը:

Հավարտ ս. պատարագի կատարվեց հոգեհանգստյան արարողություն՝ ի հիշատակ համայն ննջեցելոց:

Օգոստոսի 21-ին, հինգշաբթի.—Այսօր Մայր Աթոռ ուխտի եկան մի խումբ սփյուռքահայ ուսուցիչներ, որոնք ժամանել էին մայր հայրենիք: Մայր տաճարում իրենց ուխտն ու աղոթքը անելուց հետո, հյուրերն ընդունվեցին Վեհափառ Հայրապետի կողմից, Վեհաբանում: Հայոց Հայրապետը ողջունեց հայ ուսուցիչների ներկայությունը և հաճելի զրույց ունեցավ նրանց հետ՝ սփյուռքի կրթական ու մշակութային կյանքի վերաբերյալ:

Օգոստոսի 24-ին, կիրակի.—Մայր տաճարում ս. պատարագ մատուցեց տ. Հովհաննես քհն. Մարությանը:

Ս. պատարագին ներկա էր Վեհափառ Հայրապետը:

Օգոստոսի 25-ին, երկուշաբթի.—Այսօր ԱՄՆ-ից Մայր Աթոռ ժամանեց բարերար պրն. Տատուր Տատուրյանը՝ Մայր Աթոռի ապագա շինարարական գործերով տեսակցելու համար Վեհափառ Հայրապետի հետ:

Օգոստոսի 27-ին, չորեքշաբթի.—Այսօր Մայր Աթոռ ժամանեցին՝ Անթիլիասի մայրավանքի Դրան եպիսկոպոս տ. Գարեգին Սարգսյանը և Ազգային կենտրոնական վարչության անդամ պրն. Ոսկերեբյան Արզումանյանը՝ անձամբ հանձնելու համար Ամենայն Հայոց Հայրապետին Տ. Խորեն Ա կաթողիկոսի օգոստոս 26 թվադրոյ նամակը:

Օգոստոսի 31-ին, կիրակի.—Տօն Գիւտ Գոտույ ս. Աստուածածնի.

Մայր տաճարում ս. պատարագ մատուցեց տ. Հակոբ քհն. Հակոբյանը:

Ս. պատարագին ներկա էր Վեհափառ Հայրապետը:

